

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 21 OKTOBER 2015, PUKUL 10.00 PAGI

Bil. 39

PERTANYAAN-PERTANYAAN BAGI JAWAB LISAN

1. PR-1333-L71361
Tan Sri Datuk Seri Panglima Annuar bin Musa [Ketereh] minta **MENTERI PERTAHANAN** menyatakan sejauh manakah perancangan Kementerian untuk menjalinkan kerjasama dengan Kementerian Belia dan Sukan, Suruhanjaya Komunikasi dan Multimedia serta agensi yang lain bagi pementapan modul baru Program Latihan Khidmat Negara (PLKN) 2016 kelak.
2. PR-1333-L71513
Puan Hajah Fuziah binti Salleh [Kuantan] minta **MENTERI DALAM NEGERI** menyatakan sejauh mana keberkesanan tindakan polis dalam mencegah jenayah seperti perompak dan peragut yang menyebabkan kes kematian atau kecederaan teruk.
3. PR-1333-L71149
Ir. Shaharuddin bin Ismail [Kangar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sambutan saranan pengasingan sisa pepejal yang telah dijalankan bermula September 2015 dan apakah bentuk kekangan yang dihadapi oleh Kementerian bagi merealisasikan program ini.
4. PR-1333-L71165
Tuan Ahmad Marzuk bin Shaary [Bachok] minta **PERDANA MENTERI** menyatakan apakah langkah-langkah yang diambil oleh Kerajaan berikutan insiden kren jatuh di Masjidil Haram. Apakah Malaysia sebagai sebuah negara OIC pernah membangkitkan isu-isu projek pembangunan keterlaluan di sekitar Masjidil Haram yang telah banyak memusnahkan kesan-kesan bersejarah.

5. PR-1333-L69871
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KEWANGAN** menyatakan :-
 - (a) secara terperinci tanggungjawab Kumpulan Simpanan Wang Pekerja selain mentadbir wang simpanan pekerja; dan
 - (b) jika ada menguruskan pelaburan di mana-mana, berapa besar dan bagaimanakah prestasi pelaburan ini.
6. PR-1333-L70427
Tuan Wong Sze Phin @ Jimmy [Kota Kinabalu] minta **MENTERI PENGANGKUTAN** menyatakan adakah peruntukan tanah 40 ekar yang dicadangkan bertujuan untuk membina KKIA Terminal 3 bagi menampung keperluan penumpang pada masa hadapan. Memandangkan perpindahan operasi AirAsia dari T2 ke T1 akan menyebabkan T1 melebihi had kapasiti T1.
7. PR-1333-L69748
Dato Sri Dr. Muhammad Leo Michael Toyad Abdullah [Mukah] minta **MENTERI PELANCONGAN DAN KEBUDAYAAN** menyatakan pendapatan kasar Kerajaan dari program Meeting, Incentive, Convention and Exhibitions (MICE) pada tahun 2012, 2013 dan 2014.
8. PR-1333-L69975
Tuan Er Teck Hwa [Bakri] minta **MENTERI DALAM NEGERI** menyatakan jumlah warga Malaysia dan warga asing yang telah didakwa kerana pasport tidak diimbis dan disahkan apabila masuk atau keluar sempadan melalui Tambak Johor dan semua pintu masuk sempadan setiap tahun dari 2010 sehingga kini.
9. PR-1333-L70993
Dato' Ir. Haji Nawawi bin Ahmad [Langkawi] minta **MENTERI SUMBER ASLI DAN ALAM SEKITAR** menyatakan apakah perkembangan Peta 1Malaysia sebagai aplikasi di bawah GeosPatial dan sejauh mana ia telah diterima oleh masyarakat di dalam dan luar negara Malaysia. Apakah ia dilengkapi dengan GPS dan mampu menandingi aplikasi seperti WAZE dan lain-lain.
10. PR-1333-L70739
Dato' Johari bin Abdul [Sungai Petani] minta **PERDANA MENTERI** menyatakan :-
 - (a) adakah benar Pengurusan FELDA menyusun satu program "Himpunan Warga Felda Sempena Hari Malaysia" 16 September 2015 jam 11.00 pagi bertempat di Dataran Jalan Conlay, Kuala Lumpur. Jika benar, apakah tujuannya; dan
 - (b) berapakah jumlah warga FELDA yang mengambil bahagian dan berapa kos yang terlibat, sila berikan perincian kos.

11. PR-1333-L70574
Dato' Ahmad Fauzi bin Zahari [Setiawangsa] minta **MENTERI KEWANGAN** menyatakan berapa peratuskah Projek MRT Lembah Klang (KVMRT) telah dilaksanakan, dan adakah berlaku peningkatan kos pembinaan akibat kejatuhan nilai Ringgit Malaysia.
12. PR-1333-L69789
Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan langkah-langkah keselamatan di sempadan akibat daripada peristiwa pengeboman di negara jiran serta pemerdagangan manusia melalui sempadan.
13. PR-1333-L71353
Datuk Liang Teck Meng [Simpang Renggam] minta **MENTERI PENDIDIKAN** menyatakan apakah bentuk pembaharuan dan pengubahsuaian yang Kementerian bercadang untuk menggalakkan keharmonian dan persefahaman antara kaum dan agama melalui pendidikan di sekolah memandangkan terdapat banyak insiden yang mencetuskan ketegangan kaum serta kelakuan ekstremis sesetengah pihak yang mampu menggugat keamanan negara ini.
14. PR-1333-L70251
Dr. Tan Seng Giaw [Kepong] minta **MENTERI KEWANGAN** menyatakan kedudukan sebenar ekonomi Malaysia, di rantau ini dan dunia.
15. PR-1333-L70223
Datuk Koh Nai Kwong [Alor Gajah] minta **MENTERI KEWANGAN** menyatakan adakah Kementerian akan meningkatkan kriteria dan had dalam permohonan kad kredit bagi mengurangkan kadar bankrap di kalangan belia.
16. PR-1333-L69878
Datuk Dr. Makin @ Marcus Mojigoh [Putatan] minta **MENTERI KOMUNIKASI DAN MULTIMEDIA** menyatakan :-
 - (a) jenis kawalan yang dikenakan ke atas *bloggers* serta orang perseorangan yang menyebabkan berita-berita palsu, ugutan, fitnah dan provokasi yang boleh mengganggu gugat ketenteraman negara; dan
 - (b) berapa ramai yang telah didakwa dalam isu yang sama.
17. PR-1333-L70012
Tuan Haji Khalid bin Abdul Samad [Shah Alam] minta **MENTERI KEWANGAN** menyatakan :
 - (a) apakah benar bahawa jumlah rizab negara telah berkurangan dan apakah sebab-sebabnya; dan
 - (b) apakah cara-cara yang telah diambil oleh Kerajaan bagi mengatasi masalah tersebut.

18. PR-1333-L70557
Datuk Bung Moktar bin Radin [Kinabatangan] minta **MENTERI KOMUNIKASI DAN MULTIMEDIA** menyatakan apakah rancangan jangka pendek dan jangka panjang Kementerian dalam menangani gejala penyebaran fitnah yang berleluasa di media sosial serta sejauh manakah kesungguhan pihak Kementerian dalam menghukum pesalah laku media sosial ini agar gejala fitnah dan hasutan dapat dibendung.
19. PR-1333-L71136
Tuan Anuar bin Abd. Manap [Sekijang] minta **MENTERI PERTAHANAN** menyatakan jumlah ahli Angkatan Tentera Malaysia yang terlibat dalam Misi Keamanan di luar negara dan apakah peranan utama yang dimainkan mereka ketika menjalankan misi tersebut.
20. PR-1333-L70059
Tuan Wong Ling Biu [Sarikei] minta **MENTERI KEWANGAN** menyatakan berapakah jumlah wang GST telah dikutip selepas pelaksanaan GST mulai bulan April, 2015. Adakah dengan pelaksanaan GST memberikan kesan kepada peningkatan kadar inflasi negara. Berapakah kadar inflasi selepas pelaksanaan GST.
21. PR-1333-L70190
Dato' Henry Sum Agong [Lawas] minta **MENTERI KEWANGAN** menyatakan sama ada penabung dalam akaun EPF dari Sarawak yang ingin mendirikan rumah di atas tanah hak milik NCR mereka dibenarkan untuk mengeluarkan sebahagian daripada simpanan EPF mereka untuk tujuan tersebut.
22. PR-1333-L70882
Dr. Lee Boon Chye [Gopeng] minta **MENTERI DALAM NEGERI** menyatakan bilangan tahanan dan siasatan di bawah Akta Kesalahan Keselamatan (Langkah-Langkah Khas) 2012 sejak penguatkuasaannya.
23. PR-1333-L69585
Dr. Michael Jeyakumar Devaraj [Sungai Siput] minta **MENTERI KEWANGAN** menyatakan adakah tepat untuk mengecualikan elaun perjalanan (yang merupakan bahagian terbesar dalam gaji pemandu lori) daripada pengiraan jumlah caruman KWSP yang patut dibayar bagi pemandu lori.
24. PR-1333-L70511
Dr. Ismail bin Daut [Merbok] minta **MENTERI DALAM NEGERI** menyatakan langkah-langkah yang patut diambil bagi menangani keselamatan negara bagi mengelak tercetusnya isu pergaduhan antara kaum dan untuk membendung aktiviti-aktiviti keganasan yang boleh menjejaskan keamanan negara ini.
25. PR-1333-L69921
Dato' Dr. Tan Kee Kwong [Wangsa Maju] minta **MENTERI PERTAHANAN** menyatakan adakah wujud cadangan Kerajaan untuk membeli Kapal Perang Jenis Mistral dan berapakah kos sebenar kapal berkenaan.

26. PR-1333-L71161
Tuan Hee Loy Sian [Petaling Jaya Selatan] minta **PERDANA MENTERI** menyatakan :-
- (a) mengapakah “*Special Task Force*” yang ditubuh untuk menyiasat kes 1MDB yang dianggotai oleh Pengarah SPRM, Ketua Polis Negara, Gabenor Bank Negara Malaysia dan Peguam Negara dibubarkan; dan
 - (b) adakah SPRM sudah berjaya mengesan Jho Low, Nik Faisal Ariff Kamil dan Datuk Suboh Md Yassin bagi membantu siasatan kes SRC International.
27. PR-1333-L70507
Tuan Lim Kit Siang [Gelang Patah] minta **PERDANA MENTERI** menyatakan siapa yang memasukkan wang RM2.6 bilion ke dalam akaun peribadinya di Ambank pada Mac 2013. siapakah Menteri dan Ahli Parlimen yang mendapat faedah daripadanya. Berapakah baki dan di manakah wang tersebut sekarang.
28. PR-1333-L70527
Tuan Sim Tze Tzin [Bayan Baru] minta **PERDANA MENTERI** menyatakan tindakan Kerajaan terhadap Wall Street Journal dan New York Times yang menyiarkan berita Perdana Menteri akan disiasat oleh FBI dan Justice Department. Adakah Kerajaan dan Perdana Menteri akan memberi kerjasama sepenuhnya kepada pihak Amerika Syarikat jika benar.
29. PR-1333-L71034
Puan Teo Nie Ching [Kulai] minta **MENTERI KEWANGAN** menyatakan sama ada pelantikan Nik Faisal Ariff Kamil dan Datuk Suboh Md Yassin sebagai pengarah SRC International Sdn. Bhd. akan dibatalkan sebab mereka enggan bekerjasama dengan siasatan SPRM.
30. PR-1333-L70881
Dr. Lee Boon Chye [Gopeng] minta **MENTERI KEWANGAN** menyatakan langkah yang diambil untuk menyelamatkan 1MDB.
31. PR-1333-L70530
Puan Hajah Normala binti Abdul Samad [Pasir Gudang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah lesen perniagaan/penjaja yang dikeluarkan kepada warga asing dan apakah tindakan penguatkuasaan yang diambil sekiranya didapati warga asing berniaga/menjaja tanpa lesen yang sah.
32. PR-1333-L70411
Puan Teresa Kok Suh Sim [Seputeh] minta **MENTERI PENDIDIKAN TINGGI** menyatakan kedudukan United Examination Certificate dari segi kemasukan universiti awam dan perkhidmatan Kerajaan. Apakah Kementerian akan mengikut jejak langkah Kerajaan Negeri Sarawak untuk menerima pemegang UEC untuk menyertai perkhidmatan awam.

33. PR-1333-L71412
Tuan Ahmad Baihaki bin Atiqullah [Kubang Kerian] minta **PERDANA MENTERI** menyatakan tahap kesiapsiagaan Mahkamah Syariah di Malaysia berbanding mahkamah-mahkamah sivil dari segi kemudahan dan kesediaan menyelesaikan setiap kes. Adakah Mahkamah Syariah telah mempunyai persiapan yang mencukupi jika hukum hudud dilaksanakan.
34. PR-1333-L70815
Tuan Julian Tan Kok Ping [Stampin] minta **MENTERI KEWANGAN** menyatakan jumlah orang mahu pun syarikat yang telah pun mendaftar membuat tuntutan balik GST di Sarawak serta jumlah dari segi kewangan. Daripada jumlah tersebut berapa ramai atau pun syarikat yang telah dibayar balik tuntutan serta jumlah daripada segi kewangan. Begitu juga dengan yang belum dibayar balik.
35. PR-1333-L70421
Tuan Lim Lip Eng [Segambut] minta **PERDANA MENTERI** menyatakan status kewarganegaraan dan di negara mana sekarang tiga individu, iaitu Low Taek Jho atau lebih dikenali sebagai Jho Low, Nik Faisal Ariff Nik Othman Kamil dan Suboh Mohd Yassin, sama ada keterangan mereka telah diambil oleh Suruhanjaya Pencegahan Rasuah Malaysia dan adakah mereka dihalang ke luar negara.
36. PR-1333-L71020
Tuan R. Sivarasa [Subang] minta **PERDANA MENTERI** menyatakan rasional Kerajaan menamatkan perkhidmatan Tan Sri Gani Patail sebagai Peguam Negara secara tergesa-gesa pada 27 Julai 2015 sedangkan beliau sememangnya akan bersara pada 6 Oktober 2015.
37. PR-1333-L70942
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan nama penuh suspek yang disiasat berkenaan Bukit Tengah Repot No: 11899/13 berkenaan pembunuhan Kang Seak Siong oleh seorang anggota Polis di sebuah pub di AUTOCITY, Pulau Pinang pada 14 Oktober 2013 pada jam 2 pagi yang disiasat oleh Balai Polis IPD Bandar PERDA.
38. PR-1333-L70971
Dr. Ong Kian Ming [Serdang] minta **PERDANA MENTERI** menyatakan jumlah bantahan terhadap pengundi baru dan pengundi yang menukar alamat mengikut negeri bagi tahun 2014 dan 2015.
39. PR-1333-L70880
Dr. Lee Boon Chye [Gopeng] minta **MENTERI KEWANGAN** menyatakan usaha yang diambil oleh Kerajaan untuk menyekat kejatuhan nilai mata wang Ringgit Malaysia.

40. PR-1333-L69681
Datuk Hajah Norah binti Abd Rahman [Tanjong Manis] minta **MENTERI KEWANGAN** menyatakan adakah penurunan nilai ringgit berbanding dengan mata wang dunia lain akan mempengaruhi daya saing syarikat Malaysia untuk mengembangkan perniagaan dan melabur di luar negara.
41. PR-1333-L70237
Dato' Haji Zainudin bin Ismail [Jelebu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) tahap kefahaman dan penerimaan rakyat terhadap pelaksanaan Cukai Barangan dan Perkhidmatan (GST) dan kesan sebenar terhadap harga barangan akibat pelaksanaan GST apakah ia berlaku seperti dinyatakan sebelum ini bahawa akan ada harga barangan yang naik, kekal dan turun; dan
 - (b) berapa banyak kes penyelewengan pengenaan caj GST dan pengambilan keuntungan berlebihan yang dilakukan peniaga yang telah diambil tindakan mahkamah sejak GST mula diperkenalkan.
42. PR-1333-L70591
Tuan Abdullah Sani bin Abdul Hamid [Kuala Langat] minta **MENTERI DALAM NEGERI** menyatakan langkah-langkah untuk memastikan tindakan menangkap pemimpin kesatuan oleh pihak polis dalam kes Kesatuan British American Tobacco di Petaling Jaya baru-baru ini tidak berulang.
43. PR-1333-L71555
Tuan Haji Mohd Fasiah bin Haji Mohd Fakeh [Sabak Bernam] minta **PERDANA MENTERI** menyatakan langkah proaktif ekonomi Kerajaan sebagai inisiatif awal jangka pendek dan jangka sederhana bagi melindungi ekonomi negara daripada kesan risiko penyederhanaan ekonomi dunia tahun ini dan tahun depan untuk mengekalkan momentum pertumbuhan ekonomi seperti disasarkan Kerajaan.
44. PR-1333-L70120
Tuan Haji Nasrudin bin Hassan [Temerloh] minta **MENTERI DALAM NEGERI** menyatakan laporan kes pembunuhan Teoh Beng Hock, Ahmad Sarbaini Mohamad dan Hussain Ahmad Najadi.
45. PR-1333-L70887
Tuan Loke Siew Fook [Seremban] minta **MENTERI SUMBER ASLI DAN ALAM SEKITAR** menyatakan apakah tindakan spesifik yang telah diambil oleh Kerajaan Malaysia di peringkat *G-to-G* dengan Kerajaan Indonesia untuk mengatasi masalah jerebu yang melanda negara setiap tahun dan menjejaskan kesihatan rakyat.

46. PR-1333-L70912
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan apakah proses serta prosedur yang digunakan oleh Datuk Zahid Hamidi untuk mengeluarkan arahan melalui Pejabat Peguam Negara pada jam 9 malam pada 27 Ogos 2015 bagi mengharamkan apa-apa pakaian berwarna kuning dan yang mengandungi perkataan “Bersih 4” serta apa-apa bahan bercetak lain dan risalah yang mendorong kepada perhimpunan Bersih memandangkan kebebasan berhimpun termaktub dalam Perlembagaan Persekutuan.
47. PR-1333-L71061
Tuan Teo Kok Seong [Rasah] minta **MENTERI DALAM NEGERI** menyatakan :-
- (a) mengapakah Kerajaan tidak menghalang perhimpunan 16 September 2015 yang berlangsung di Kuala Lumpur walaupun mendapat banyak bantahan; dan
 - (b) apakah tindakan yang telah diambil terhadap penganjur, peserta perhimpunan yang mengeluarkan kenyataan berunsur hasutan serta cuba menceroboh Jalan Petaling.
48. PR-1333-L70693
Tuan Haji Hasbi bin Haji Habibollah [Limbang] minta **MENTERI PENDIDIKAN** menyatakan bilakah Kementerian akan memulakan pembinaan fizikal SK Tanjong yang telah diluluskan.
49. PR-1333-L71435
Tuan Tan Kok Wai [Cheras] minta **MENTERI DALAM NEGERI** menyatakan hasil siasatan dan tindakan yang diambil polis ke atas Tun Dr. Mahathir yang semakin agresif mengasak Perdana Menteri, Datuk Seri Najib Abdul Razak untuk melepaskan jawatan.
50. PR-1333-L70274
Dato' Mohd Ariff Sabri bin Abdul Aziz [Raub] minta **PERDANA MENTERI** menyatakan :-
- (a) siapakah dermawan sebenar yang menderma sejumlah RM2.6 bilion; dan
 - (b) adakah kemasukan RM2.6 bilion ini mendapat kelulusan Bank Negara.
51. PR-1333-L71461
Tuan Fong Kui Lun [Bukit Bintang] minta **MENTERI DALAM NEGERI** menyatakan apakah alasan Himpunan Maruah Melayu (Himpunan Rakyat Bersatu) pada 16 September 2015 diberikan permit polis sedangkan Perhimpunan Bersih 4.0 tidak diluluskan permit dan apakah hasil siasatan kekecohan peserta dan polis di Jalan Petaling, Kuala Lumpur semasa perarakan.

52. PR-1333-L70040
Datuk Abd Rahim bin Bakri [Kudat] minta **MENTERI PENDIDIKAN** menyatakan berapakah jumlah terkini guru kelahiran Negeri Sabah dan apakah pendekatan yang akan digunakan oleh kerajaan di dalam memastikan sasaran 90% guru yang berkhidmat di Negeri Sabah terdiri dari kalangan anak tempatan dalam masa tiga tahun ini.
53. PR-1333-L70938
Dato' Abd. Aziz bin Haji Sheikh Fadzir [Kulim Bandar Baharu] minta **PERDANA MENTERI** menyatakan bagaimana sistem yang sedia ada di bawah kelolaan Jabatan Agama Islam Wilayah Persekutuan (JAWI) dan Jabatan Kemajuan Islam (JAKIM) dapat memastikan masa depan kerjaya dan nasib guru-guru baru terbela.
54. PR-1333-L70051
Raja Dato' Kamarul Bahrin Shah [Kuala Terengganu] minta **PERDANA MENTERI** menyatakan berapa ramai penuntut Malaysia di bawah tajaan dan biasiswa Kerajaan yang sepatutnya melanjutkan pelajaran tinggi di luar negara terpaksa ditangguh atau dibatalkan pengajian luar negara mereka pada tahun 2014 dan 2015 dan sebab-sebab pembatalan di kenakan.
55. PR-1333-L70663
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan adakah 1MDB telah membekalkan Laporan Audit Kewangan 2014 yang dipinda dan berbeza daripada Laporan yang telah difailkan kepada Suruhanjaya Syarikat Malaysia. Antara pindaan yang dibuat, adakah perkataan "*substantially utilised*" dipinda kepada "*substantially set aside*".
56. PR-1333-L71326
Dato' Sri Hasan bin Malek [Kuala Pilah] minta **MENTERI KEWANGAN** menyatakan adakah langkah-langkah ataupun cadangan untuk menghapuskan GST ke atas iklan dalam semua medium media seperti surat khabar, majalah, radio dan televisyen sebagai usaha Kerajaan dalam meringankan beban operasi peniaga/pengiklan serta syarikat media tempatan dan ini sejajar dalam membantu memulihkan kembali kesan kejatuhan jualan media (cetak) di Malaysia.
57. PR-1333-L69917
Puan Alice Lau Kiong Yieng [Lanang] minta **MENTERI PENDIDIKAN** menyatakan sama ada Kerajaan akan memberi pengiktirafan kepada Peperiksaan Gabungan Sekolah Menengah Cina (UEC) sepertimana yang telah diumumkan di negeri Sarawak pada 21 September 2015. Jika tidak, kenapa.

58. PR-1333-L71276
Datuk Wee Jeck Seng [Tanjong Piai] minta **MENTERI KERJA RAYA** menyatakan apakah tindakan yang akan diambil untuk mengatasi papan tanda arah yang tidak "*reflektif* " pada waktu malam dan berkemungkinan menyebabkan kemalangan dan banyak papan tanda arah dalam keadaan rosak, gelap dan ditutup oleh dahan pokok, lokasi ia juga dekat sangat dengan persimpangan jalan raya. Apakah garis panduan yang dirombak semula dan usaha yang akan dibuat untuk menyelesaikan masalah kekurangan infrastruktur seperti papan tanda terutamanya di kawasan eko-pelancongan.
59. PR-1333-L69697
Datuk Dr. Ewon Ebin [Ranau] minta **PERDANA MENTERI** menyatakan :-
- (a) bilakah Penubuhan Jawatankuasa Khas bagi mengkaji hak negeri Sabah untuk menerima 40 peratus daripada hasil bersih negeri Sabah yang dipungut oleh Kerajaan Persekutuan akan ditubuhkan; dan
 - (b) siapakah yang bakal menjadi ahli-ahli Jawatankuasa Khas tersebut.
60. PR-1333-L69602
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan bilakah elaun "*Hard Living*" (Kesukaran Hidup) diperkenalkan semula khususnya kepada warga TLDM yang berkhidmat di kapal dan beroperasi di laut.
61. PR-1333-L71065
Datuk Ikmal Hisham bin Abdul Aziz [Tanah Merah] minta **MENTERI PERTANIAN DAN INDUSTRI ASAS TANI** menyatakan perkembangan setakat ini berhubung desakan petani-petani supaya mereka juga menerima elaun sara hidup RM200 seperti mana dinikmati oleh nelayan.
62. PR-1333-L69558
Datuk Raime bin Unggi [Tenom] minta **MENTERI PERTANIAN DAN INDUSTRI ASAS TANI** menyatakan mekanisme Kementerian bagi mengurangkan kebergantungan industri pertanian terhadap tenaga buruh di negeri Sabah dan setakat mana usaha menggalakkan penggunaan teknologi moden serta inovasi berasaskan pasaran dan pengetahuan di negeri Sabah.

ATURAN URUSAN MESYUARAT DAN USUL-USUL

1. (D.R. 27/2015) Rang Undang-undang Kumpulan Wang Simpanan Pekerja (Pindaan) 2015 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Oktober 2015)**

[Menteri Kewangan]
2. (D.R. 28/2015) Rang Undang-undang Perbadanan Insurans Deposit Malaysia (Pindaan) 2015. **Bacaan Kali Yang Kedua**

[Menteri Kewangan]
3. (D.R. 30/2015) Rang Undang-undang Syarikat 2015 “

[Menteri Perdagangan Dalam Negeri, Koperasi dan Kepenggunaan]
4. (D.R. 29/2015) Rang Undang-undang Skim Kepentingan 2015. “

[Menteri Perdagangan Dalam Negeri, Koperasi dan Kepenggunaan]
5. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]
6. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]
7. (D.R. 24/2014) Rang Undang-undang Dadah Berbahaya (Pindaan) (No. 2) 2014 “

[Menteri Kesihatan]
8. PR-1333-U69963
Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini.

Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang mengelarkan diri mereka sebagai SSKM ini.”

[Menteri Dalam Negeri]

9. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, terdapat rungutan-rungutan di kalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini.

Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

[Perdana Menteri]

10. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini."

[Menteri Pertanian dan Industri Asas Tani]

11. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehpercayaan rakyat kepada Kerajaan masa kini."

[Menteri Kewangan]

12. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbaur perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

13. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

14. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

15. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

16. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

17. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

18. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

19. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

20. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatgandakan usaha pembinaan rumah-rumah tersebut.”

[Perdana Menteri]

21. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab. Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

22. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Takut Cina. Umno perlukan anda”.

Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

23. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

24. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

25. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

26. PR-1333-U71195

Tuan Hee Loy Sian [Petaling Jaya Selatan] akan mencadangkan:-

“Bahawa Dewan ini mengemukakan Undi Tidak Percaya terhadap Perdana Menteri Datuk Seri Najib Tun Razak atas alasan penerimaan “Wang Derma” berjumlah RM2.6 billion yang pada mulanya dinafikan, kemudiannya mengugut untuk menyaman akhbar Wall Street Journal dan akhirnya mengakui wang tersebut diperolehi daripada individu yang berasal dari Timur Tengah. Dengan tidak menjelaskan mengapa “Wang Derma” ini dimasukkan ke akaun peribadi dan bukan atas nama parti, Dewan juga tidak berpuas hati ke atas siasatan skandal 1MDB yang berlaku di mana “Special Task Force” yang sepatutnya menyiasat skandal ini dibubarkan tanpa memberi sebarang alasan sehingga Peguam Negara Tan Sri Abdul Gani Patail ditamatkan perkhidmatan, pegawai SPRM dipindahkan, pihak polis mengganggu siasatan SPRM dan Bank Negara, Public Account Committee (PAC) yang sedang menjalankan siasatan terhadap kes 1MDB tidak berfungsi akibat daripada empat anggota PAC yang terbabit telah dilantik menjadi Menteri atau Timbalan Menteri oleh Perdana Menteri, Pengarah Cawangan Khas (SB) diberhentikan, Timbalan Pengarah Cawangan Khas dipindahkan ke Jabatan Perdana Menteri tanpa diberi tugas. Disebabkan masalah yang dinyatakan, Perdana Menteri Datuk Seri Najib Tun Razak telah menjejaskan imej Negara di dunia dan menyebabkan pelabur tidak yakin terhadap Kerajaan sekarang sehingga ekonomi menjadi tidak stabil, serta pasaran saham menjunam teruk dan kejatuhan nilai wang ringgit Malaysia berbanding dengan dolar Amerika Syarikat. Maka rakyat Malaysia tidak lagi percaya terhadap Perdana Menteri dan dengan ini Dewan hendaklah mengambil ketetapan untuk mengemukakan Undi Tidak Percaya terhadap Perdana Menteri.”

[Perdana Menteri]

27. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

28. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

29. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
ST.74	Laporan Tahunan dan Penyata Kewangan Perbadanan Perwira Harta Malaysia (PPHM) Bagi Tahun 2014.	21 Oktober 2015
ST.75	Laporan Tahunan dan Penyata Kewangan Perbadanan Perwira Niaga Malaysia (PERNAMA) Bagi Tahun 2014.	21 Oktober 2015
ST.76	Laporan Tahunan dan Penyata Kewangan Perbadanan Hal Ehwal Bekas Angkatan Tentera (PERHEBAT) Bagi Tahun 2014.	21 Oktober 2015